




詞之爲技小矣然考之於昔南北分宗徵之於今江  
別派是亦有故焉吾郡自臯文子居兩先生開闢榛莽  
以國風離騷之旨趣鑄溫韋周辛之面目一時作者競  
出晉卿集其成余與晉卿議論或合或否要其指歸各  
有正鵠倘亦知人論世者所取資也旣刻詩乃并平時  
所爲詞刻之兩先生往矣聊以質之晉卿道光癸未仲  
冬介存居士自敘









平山山下泛輕舟  
梅花信逐東風遠  
蝶夢誰能遣  
不須把酒倚闌干  
纔放春晴都不記  
春寒

洞仙哥

落梅

辭我幾又思思

低飄亂灑被東風輕餞  
二月餘寒未歸燕  
任多情翦昏東閣  
招來飛不到當日  
含章宮殿春酣能幾許  
穠李夭桃一例斜陽下  
深院喚起倚樓人  
橫笛孤吹還贏得啼痕如霰  
待綠葉成陰  
首殘紅笑指向枝頭嫩黃初見  
殘雲和雨風吹度  
深深小閣疏簾莫落盡  
刺桐花綠陰簾外斜  
影娥池上見風定蟾光徧  
徙倚若爲情弄波愁月明

卜算子

山遠樹橫煙雲淨  
波涵鏡萬字闌干  
八字橋坐久衣裳冷  
乘月却歸來  
小院人初靜  
漠漠簾波淡淡風過了  
梧桐影

虞美人

曉涼和雨醒殘醉  
綠卷簾波碎  
牽牛花淡兔葵濃  
那更惜花雙眼到烏榕  
人間不種紅蒲艸  
夢也無心好  
暈潮在記夜來痕  
留住花枝  
留不住花魂

長亭怨慢

新竹

正堆砌飄紅無數  
綠意誰教一叢如許  
楚楚娟娟料應  
先是舊風度  
隔牆初見  
恰帶着星星露  
有客到門來都



明倫彙編  
二  
不管何人爲主 姑住拂春衫似雪筭只極天飛絮青  
鸞尚小休便要倚風歸去作道是褪粉留痕也難自生  
香銷處待綺月紛紛却卧橫窗殘暑

疏影 風竹

亭亭裊裊料碧痕一餉無此風調日莫天寒翠袖人來  
無端却恨秋早紅衣褪盡蓮房冷問那憶侵肌涼好但  
隔簾看取玲瓏便爾爲伊傾倒 幾許花須柳眼一生  
儘付與煙散雲渺吹入秋心依舊蕭疏不管羣芳如掃  
朱幡莫向人閒借筭此意少兒應曉廿四番仍要催春  
孤負年年芳艸

南浦 晴竹

山角正封雲最憐他都要分些晴意淺碧闌羣芳依然  
作秋雨秋風心事籠煙鎖霧留將好夢渾無計莫卷重  
簾親切看消盡韶華流水 玉簫吹徹丹山料重來不  
記人間何世小築遶幽泉巡三徑剩得霜痕雪漬江南  
路好無人同住梅花裏千萬莫愁時節換璧月還來石  
底

高陽臺

雨竹

潤氣生衣翠陰沈樹不應畫得秋真小別天涯聽愁又  
替何人斑痕不照湘潭水怕淋漓醉也無因但銷凝一  
片雲幃一片苔茵 故山歸去呼猿鶴放春波千頃流  
盡斜曛儘夜舒蕉分他一半酸辛相思不爲相逢斷爲



難消十丈緇塵更誰知近了殘秋遠了殘春

青門引

逝水無人管催送一年春短征帆莫更殢斜陽碧雲淡  
處悵望繡簾卷 鏡前勸盡玻璃盃璧月何時滿笛聲  
但怨遙夜可堪夢向天涯轉

蘇幕遮

莫山遮春水映紅袖人遙綠袖人還杳如此丁寧如此  
聽懊惱征帆越是東風勁 怯花愁憐酒病欲飲還辭  
欲去何曾竟月滿江樓良夜靚紈扇團圓不是淺花鏡

蘭陵王

申江追別圖爲祁生賦

浪花蹙搖動愁珠萬斛休回首無數斷霞剩把鞦韆紅襯

嬌綠尊前擁比玉頻屬流芳散馥氍毹展眉影鬢絲都  
占當筵定場曲 紅蕉挂蝙蝠更戀蝶春衫飛燕華屋  
斑駁忍換連江舳汎判袂離席握手南浦丁寧未語恨  
太促但望斷橫目 修竹漫檣觸正樹遠斜陽風冷樺  
燭分攜一樣傷幽獨怕粉本同看綺緣重續歸途如此  
爭挂得布帆足

疏影

仙蝶圖爲祁生賦

離情未了又倩雲把夢扶向瓊島喚醒春魂不爲花枝  
風前自倚嬌小秦宮未肯花間活儘凍折寒簧清宵恁  
鳳車故故飛飛似惜落紅依艸 休問裁霞傅粉有誰  
從扇底悟得秋早住慣羅浮雨合風離只伴梅英霜曉



如今縱悔驚塵錯已悞却韶光多少恐畫圖難畫歸心  
一任翠衣人老

永遇樂

題祁生洞庭緣院本

流盡年光何時真翦寒碧千頃水佩風裳儘銷庸福往  
事難重省靈旗塞雨輕綃護玉還訪橘根仙井筭人間  
花嬌柳寵再來祇認波影蓬萊路遠馮仙風吹去空  
笑浮萍漂梗徐市新來不堪重記燒劫秦灰冷巴陵山  
色為誰窈窕只合共浮魚艇休橫遂眠珠正穩莫將喚  
醒

湘春夜月

滄州道中見女子粥伎

恁天涯幾人煙水浮查不信霧鬢風鬟都付與楊花亂

蹴秋千紅影隔淥波青粉柳外誰家筭吹簫那是珠簾  
十里煙暝香斜扁舟倦客安排清淚重賦琵琶值得  
汎瀾渾未要迴鐙喚酒低訴年華明宵何處料相隨祇  
有昏雅向淡月祝眉痕兩點依他纖影休被雲遮

菩薩蠻

秋蟬寄劍樓侍御

涼風初定纖雲聚蕭條已是愁如許知道一聲難夕陽  
天際山露光連月白容易黃花節真箇不禁秋軸簾  
人倚樓

一溪夜雨痕如線枯形病翼羞歸燕莫更訴西風斷霞  
零碎紅有人憐鬢影真為清宵冷難忘是斜橋綠楊  
千萬條



阮郎歸 秋海棠

露蟲和月弔清妍秋痕都化煙只聞腸斷惜華年斷腸  
誰解憐疏雨後夕陽前砌蛩吟正喧輕紅一例委霜  
天輸他聞杜鵑

霜天曉角

和晉卿

別路人間記曾扶袂看消得疏林遮住怕特地望長安  
綺霞飛又殘莫雲浮亂山添取一分黃葉渾不是見  
時難

永遇樂

紅葉同良卿賦

過了啼鵲怱怱眞箇人比花瘦烏白門前一番秋信消  
得重回首斜陽明滅輕雲零亂不是釀春時候應愁絕

新來夢蝶怕禁明月清漏 緇塵浣罷江南舊路還共

停車呼酒聽雨深樓延秋別館約記年時否不成都作

新來離緒冷倚半江衰柳渾輸與驕紅一院曾坐素手

湘春夜月

答杳村見贈同訪申者即送別之京口

太匆匆共君如此相逢正恁菊短籬疏憔悴伴西風撲

盡軟紅塵土向妬花霜葉且泛孤篷柰瀟瀟暮雨懷人

又見梁燕泥空 江城夜午分攜早趁蕭寺傳鐘北固

山橫何處有荻洲千頃留待冥鴻吹將鐵篴怕低飛便

過遙峯認舊侶爲齊煙九點雲臺東畔親問珠宮

相見驩

采蓮

湖光不浸山容翠陰重許搦桂枝雙槳到花鼓 文鴛



睡游魚戲語才通莫載滿船明月又相逢  
波心魚夢初圓觸輕舫遮莫滿身涼雨溼如煙  
秋風別紅衣惜又淒然采得空房歸去動經年

又題紫雲出浴圖

晶簾不漾微風露光融薄薄淡羅衫子映肌紅  
梅花落瓊簫閣夢無輓化作梨雲何處認玲瓏  
森森鳳尾垂陰倚闌尋尋到月涼雲轉夜深深  
羅紈小流螢巧恨空心莫是芳魂銷得到而今

齊天樂

蠹食冊成蝶寄形虛空搏埴爲器當其無有器之用聊爲賦之

綠茸不記尋春路濛濛但留纖影玳管輕捎烏闌細寫  
生被銀魚驚醒鐙花燄冷照一片愁痕倩誰重省欹枕

商量化伊還怯夜風警  
羅浮休便去也有神仙恰待  
圓月如鏡織就雲衣調殘露屑爭又前身虛炆芝田萬  
頃任竹榻蕉窗箇人消領翦紙招來費緗梅半餅

菩薩蠻

七夕分咏得蜘蛛秋蕙

秋心約得如絲瘦還將鈿合輕輕扣得巧莫言多迴文  
挑幾梭  
釵頭親驗取笑避穿箴侶恐是悞飛來鏡奩  
朝不開  
湘江更比銀河遠有誰紉佩臨清淺欲采閒芙蓉亂霞  
深萬重  
垂垂仍合蒂不爲秋憔悴生小別穠春卷簾  
雙玉人

臨江仙

陸丹山工墨梅索詞賦贈



明傳齋詩  
手種春英過尺五年年候却花期越羅初試月生衣畫  
眉窗下香肩散霏微 化蝶還憐瑤玉骨纖纖又見橫  
枝曉風吹面酒醒時一雙翠羽無處寄相思

暗香

扇上梅花

露華似水想夜來伴着秋英都碎幾陣緒風老盡羣芳  
賸濃翠江北江南路杳人漸遠垂鞭慘袂但晴記一角  
春山寒玉響環珮 蕉萃碧雲外又倩得笛聲喚醒殘  
醉綠珠未墜依約春痕幾分在祇恐香肌易擗空驗取  
班姬清淚甚日向煙浪裏雪蓑共載

氏州第一

大明湖醉歸

風定晨鐘月暗夜柝蕭蕭旋起秋思謝了芙蓉扁舟過

處空剩一湖煙水誰遣淺歌送落日餘霞凝紫淺醉歸  
來馮闌望久亂蛩盈耳 不似荆溪溪畔路尙贏得舊  
遊聯袂遠雁蘆邊疏螢竹外動是人千里隔紅牆銀漢  
杳相思句難馮錦字玉笛誰家譜涼州高樓莫倚

虞美人影

一鎧秋夜疏星共照破銀屏幽夢又是隙風微動簾押  
文犀重 紅莩小譜琵琶弄碎玉丁當遙送顛落鈿釵  
金鳳酒醒脂痕凍

應天長慢

疏風透枕殘月下牀依穉酒醒時節砌畔絮蛩饒把離  
情訴寒石苔紋縵芳事歇念萬里素光虛積但消翠



露盈盈清淚霑肌 誰遣不眠人坐燼蘭釭細數漏聲  
滴社燕去巢泥墮空梁點瑤席琴心冷彈未徹倩絡繹  
暗催刀尺柰征雁只管南飛衣到何日

念奴嬌 別止齋中丞

當歌對酒問人生何苦年年離別一領征衫塵未澣又  
早驪駒催發落葉粘衣輕風卷幔去住馮誰說那堪歸  
雁數聲驚起長笛 空記小語丁寧金尊同醉明夜中  
秋月月縱多情能照我還怕浮雲重疊便得清光團圓  
如鏡坐我瑤華闕也難忘却酒闌人散時節

一萼紅

漏聲沉想寒蟾一點依約度疏林隱管粧殘扶頭酒淺

離思空復舊襟記初見柔荑未握試絃索嬌語囀春禽  
錦幄藏花繡鞍衝雪都是情深 才得畫羅親解甚輕  
分鴛帶翦却同心舞絮樓臺吹香院宇羞向夢裏重尋  
念惟有窗前玉蝶坼紅萼芳意不勝簪那更歸遲任伊  
閒伴瑤琴

拜星月慢 寄申者

艷委雅鬟渦生梨頰淺笑輕顰雙絕愁裏逢伊又霜寒  
如織問眉顰可是章臺帶雨初見楊柳青青時節半晌  
偎人背銀釭低說 絮因風萬點紅香滅萍隨水一片  
烟波隔那更繞樹啼鶉向晨星淒咽恨羅帶路草同顏  
色琵琶語怎展丁香結但祝取夜夜姮娥照天空海碧



憶舊遊

夾竹桃花早開晚落歷城小寓此樹嫣然歸途追憶舊艸不禁淒斷聊成此闕以寄

懷遠

甚相逢草草一縷秋風吹散行雲記掩雙蟬髻映纖蛾  
廣額露靨微醺惜花太解憔悴寬盡綠羅帶況鳳竹蕭  
疏細桃綽約同倚斜暈 慙勤追憶處待江上夫容重  
見文君猶帶當時怨是遙山莫謫寒翠續紛不知恨取  
何事孤雁入高雲縱寄得愁來揚州明月才二分

木蘭花慢

駐馬還貫酒問卓女可當壚正朔雪凝空塞鴻失侶弔  
影相呼瓊酥頓驚瘦損怕重來恨跡斂春蕪爭似鴟夷  
共載故山剛倚平湖 金吾任喚作狂夫蟹舍老菰蒲

有蔗仗深交蟻封巧散莫笑投珠檣身練痕乍卷颯紅  
旌玉手試提枹彈入箜篌慢引歸舟天際雲孤

六醜 楊花

向濃陰翠暈漾嫋嫋春魂如雪畫闌獨馮飛英鴛鴦溼  
正恁愁絕又對斜陽院亂絲空裏換一番憐惜南園悞  
了雙蝴蝶草際輕粘簾前漫瞥纖纖映蛾眉月却難尋  
瘦影幽恨重疊 東風搖曳護低回恨蹟灞岸鳴嘶騎  
情暗切柔條幾度攀折縱天涯曾徧買春榆莢祇惆悵  
衆芳都歇筭誰共委艷香泥壘何杏梢春帖還消受半  
枕寒怯更睡絨點綴茸窗底嬌紅一捻

雨零鈴 刺蘼



斜陽闌曲照深深院宇翦濃綠瓊苞未展芳蕊馮誰說  
與金鈴休觸幾許風裊漫寄向凝淚樺燭筭只有仙蝶  
雙棲醉倚香痕夢堪續佳人最惜瑤釵玉笑拈來剛  
趁紅巾蹙晶簾欲語明鏡雲半委回眸低矚似水華年  
祇會東流幽恨難足那更聽淡掩重簾夜雨吹橫竹

生查子

花房曉露涼似有廉纖雨新夢覺來輕欹枕翻無語  
嬌娃十四五臨鏡貪眉撫不憶畫眉人自把遙山譜

齊天樂

四春錢

臨春閣上宜春佩網絲乍紫驚蟻鏡殿前因仙盤舊恨  
化作銖衣輕疊雙棲意愜笑繡出宛央未語風月慊慊

春梁數來堪否歎工絕 燕支魂斷露井買韶光又趁  
綠暗紅隙障錦斜遮蹄瑩戲賭拚與填將塵埒騎嘶汗  
血怕碎却連環更難重首漫向人間問金甌圓缺

祝英臺近

瓶中蠟梅

篆煙微沈水歇孤館夢初醒似有香來脈脈逗春影額  
黃消得宮梅檀心深注問可許翠禽相竝 畫簾迴況  
是別久書遲何人寄芳冷繡戶黏雞後約怕重省凍瓶  
還抱雙枝馮伊憔悴料隔隴未諳幽境

綺羅香

甲戌花朝山左同人小集分賦

月拂星弧霜融畫角淺醉馮銷春夜却憶山中此日野  
梅剛謝趁小橋穀水微波攜俊侶落英同把鎮相看桃



李無言最憐鶯燕妬嬌姸  
閒雲辭岫未返還被東風  
作弄青顰紅亞緩鞵輕衫  
次第綠楊嘶馬問芊絲芳草  
初生怎掩映夕陽西下倩  
重簾好護幽香漫將濃恨惹

點絳脣

隱隱巖城金蟾乍上繁星  
杏花枝春裏纖影橫稔巧

一樣欠輪膽小看來小王  
孫艸空房閉豈夢向清暉繞

浣溪沙

初歸見綠萼梅正盛

風約歌珠顆顆圓雪香春  
蕊泛湖煙客裏蕭椒是今年

三日輕舸浮醉醒一枝疏  
影立嬋娟這番真到玉人

邊

風入松

將移家維揚留別小院海棠

西風料峭過墻東寒勒海棠  
紅人如社燕歸來乍花應  
是離我飄蓬留取瓊苞未  
坼待他暖日徐烘芳尊浮  
蟻幾巡空醉臉倚嬌慵馮  
闌攜手深深訴年年別花裏  
恩恩從此雙飛雙宿故園  
宋莫春濃

八歸

送彥聞赴都

江流岍鑠平疇煙接蘆荻斜  
隱客棹恩恩百五飛紅斷  
贏得故園消息青梅酸老  
綠遍天涯迷去馬剗不盡  
重芳艸但祝取桃李陰成  
三徑黛痕繞無計買他雲  
岫腰鑱艾棘暗遣十年裏  
哀幾人彈鋏幾人市骨一例  
長安西笑怕素琴碎後燕  
筑難傳別時調儘魂繫  
旌旌邊柳著甚相逢歸來  
應更好



洞仙哥

和彥聞新月

瑤華斂盡奈寒芒  
難約依舊纖纖畫樓角  
散餘霞漸暝  
返照無痕蛾黛染眉樣  
遠山如削  
繁星爭耀彩綠樹  
陰陰幾許南枝誤  
飛離小拜露階涼  
金闕深局訴密意  
桂娥應覺待三五  
清光正團圓  
怕吹裂瓊簫霧屏煙幙  
少年遊  
桃溪遊湖上喟然曰此間堪老惜少美人與明月耳詞以調之  
風荷轉午良蜩橄韻竹院試煎茶  
舊雨停雲故人今日  
千里共浮查  
陰陰樹色連隋苑  
何處認宮斜  
明月陰  
多美人夢短可惜好年華

蝶戀花

萬柄風荷搖不定  
照灼紅裝面面  
凌波靚催送殘陽煙

又暝驪珠欲喚眠難醒  
歸權匆匆愁路永  
怨笛哀箏  
都約秋心冷  
一夜水仙收綠淨  
亭亭獨鷺窺晨鏡

木蘭花

鶯花斷送春歸去  
櫻笋堆盤難下箸  
年年此日慣傷離  
何意翻成懽會處  
新縑舊素都無據  
蟬髻翠眉誰付  
與按歌剛罷月剛圓  
自欲矜持天不許

浪淘沙

落日倚孤篷  
歸權怱怱怨歌齊  
女綠楊中訴盡飄零  
何限恨萍水無輓  
酒醒一鐙紅  
愁聚眉峯別時情  
比見時濃  
留取衫襟痕數點  
好與重逢

浣溪沙



絡緯蕭蕭夾岸啼流螢如雨各東西新秋行客試單衣  
轉憶花前惆悵事賦歸人却贈將離那能重見不依  
依

憶舊遊

信東風別舸兩岼遙山處處顰眉乍解臨臯佩又盈盈  
脈脈擬託良媒映鐙試翦秋淥呼得夜珠來感密意深  
緘微波暗溯都在停盃迷離驚倩女墮夢影梨雲香  
暖春回柰被霜鐘妬壓鴛衾未起紅淚先垂釀愁最苦  
江水流不到長淮待親見崔嬈鏡中蛾綠重細指

念奴嬌

疏簾

畫檐深宵隔分明心性悵他煙縷似恐春痕山易學掩

却盈盈眉顰燕啄泥融絮粘香墜一桁前宵雨綠波平  
漲纖愁人在何許贏得把卷慵來拋書隱几睨皖聽  
絲羽火活松釵縈碧篆細憶酒邊情緒月樣鈎斜鵝兒  
旌短密意渾輸與甚時輕卷倚闌晴對瓊宇

木蘭花慢

看歸帆向盡漸風力接荒烟賸落日紅低斷山翠冷作  
弄遙天梅邊數聲怨笛喚湘靈萬疊和哀弦遮莫蘆寒  
椹雪還疑柳嫩搓絲裁牋待與訴嬋娟初月未成圓  
沉雁塞雲高雞精星腹并入么篇陶然便拚醉也柰中  
山醉日止盈千多謝江頭伴侶尋他海上神仙

水調歌頭



浮海欲何向無乃向咸池博桑葉夫子屋其上有天雞  
忽發一聲咿啞喚起千門萬戶藹藹春暉拍手御風  
去舟楫快相隨君不見列禦寇骨成灰童男少女頭  
白徐福竟安歸縹緲黃金宮外搖蕩青銅鏡裏慧想總  
緣癡一點漢槎石天女要支機

八聲甘州

嘆天衣無縫要天成人間織來難漫顛箴倒綫翻花鬪  
葉舞鳳翔鸞多少金閨妙手淺笑倚闌干誰遣蓬窗女  
苦耐更殘剛道鴛鴦繡出又東風窺幕舞蝶成團待  
添將半臂珍重護春寒盼玉勒驕嘶甚處但坐楊綠比  
海天寬和淚親械畫篋畱與重看

摸魚兒

待拚將一聲離別離情還更重疊蘭香不合人間降轉  
眼鬢雲凝雪芳艸歇忍忍向春殘花老頻唬鳩恁般哽  
咽是暗裏流光雨催風送含淚共君說朱弦認雁柱  
斜行又折家山黯澹風月石城舊擬叅綸處頓遣莫愁  
愁絕愁未徹況著箇琵琶老大曾相識唾壺漫缺要合  
玦成環鏤久作鏤萬古意難決

賀新郎

夢斷江聲裏攤重衾一鐙寒燄欲眠還起搔首推篷看  
落月衰柳荒蘆如薺漸四野雞鳴不已釀雪雲生星沈  
彩料明朝風力還相擬應凍合玉樓矣歸涂不是論



千里柰年來酒懷詩興消磨餘幾剛問南朝棲隱處又  
恐鷓鴣難比渾不辨枝頭葉底如此江山誰拚得賸  
絲長共鱸魚美只少箇季雍耳

長亭怨慢

乍拋却枝頭春信悶倚危檣看翻雅陳風急雲寒鷓鴣  
無主倩誰認一冬祈雪空作了江天恨待說與東皇又  
只恐年華愁問 瘦盡念亭亭此樹可是舊時風韻禁  
他幾度怕皴裂霜皮盈寸便祝取蚤蚤春回一例把紅  
羅香搵向甚處吟看東閣當年何遜

水調歌頭

江上浪如雪幾箇白鷗閑稻梁不及蒲稗天地本來寬

其柰郎家北渚使妾飄零南浦古月向人圓弱擘攤雙  
楫制淚赴驚湍 舟萬斛帆百尺執移山一生祇辨風  
信安穩作長年邗管星移物換何況潮來汐去都只等  
閑看含笑問桃葉汝度若爲難

揚州慢

雪澤虛占雲陰漸嫩江干依舊斜陽向淡煙籠處待曳  
逗春光怕紅萼禁寒乍勒碧城仙侶倦繞迴廊隔淡淡  
簾幙從教密意難將 似曾相識便判年還倚新裝儘  
玉照空明紅羅旖旎翠羽低昂一種橫斜疏影淡宵月  
不似銀黃筓誰家籬落堪尋葍度幽香

望海潮



惜惜高柳娟娟新月平池靜夜涵空榆莢亂翻荷錢暗  
疊春歸誤認殘紅人在畫樓中料玉鉤挂起簾幕重重  
擬倩瓊簫寄將離思訴東風東風柰又怱怱被嗔鶯  
妬燕惱盡嬌慵屏掩斷山琴畱逝水尋來處處無較愁  
到甚時濃看唾花石上冰翠都融可惜香衾但催殘夢  
向疏鐘

菩薩蠻

偶種芍藥數本招同人爲婪尾之讌衆賓  
既去慨然賦之

飄香遠在清波外當年只共芳蘭采別貯漢宮嬌醉魂  
飛燕銷小翻階教作婢誰解東皇意珍重記春殘艷淡  
開更難  
醉醺雪落青條瘦荷錢亂帖波心縹緲冥向  
林夢春

無夢尋

瓊臺僊侶集香霧漫空溼笙冷月明中暗催

花乞濃

燕王墓冷豐臺窄霓裳擲碎宮牆笛十載卧青樓杜郎  
愁未愁  
年年湖上路廿四橋邊去若遣鬪芳菲願輸  
金帶圍

誰憐園客栽香艸飛瓊遣下蓬萊鳥歸去海霞紅看人

斜照中  
綠蕪山萬折胡蝶飛成雪夜久燭光沈露涼

知慣禁

大酺  
向綠陰沈華燈謝蒼莽飛來圓鏡荷錢青尙小任  
空際弄他纖影宿鳥驚翻游魚暗上贏得欺花剛定殘



英知何處但落痕掩翠露光流瑩筭畱篆香銷倚闌人  
倏乍尋幽境清歌珠又迸爲瓊闕僊桂成孤映問甚  
日紅牙同按紫玉雙調起慙慙慢扶重聽試共久輪約  
渾不辨素娥心性怕容易秋風勁青女相對蕭瑟西窗  
吹病故園就荒三徑道光十有一年歲在辛卯五月三日燕子磯阻風讀史感賦  
落日臙脂紅漸褪新月如鉤挂起天涯恨一箇閑鷗眠  
不穩投林只見雅成陳祝向餘霞休做盡月似銀黃  
却比黃銀嫩剛被遙山銜一寸浮雲片片誇輕俊  
宛轉黃龍星彩異斗柄鹵斜露乞連江墜嘯夜魚長人  
却避煙波執欲無天地萬古消沈當此際石燕嗟

空有凌霄意獨上危亭還獨倚北風吹冷承睚淚  
老淚無端東北灑誰遣銀河直向鹵南寫萬斛愁珠相  
激射此生漫共漁樵話買得青山休說價疊嶂重巒  
一幅屏中畫添箇山翁騎瞎馬柴門歸去昏燈炮  
燕子來時逢戊己泥墜空梁幕卷生生翠軟語輕捎魂  
欲碎沈沈畫閣人酣醉林木營巢成底事曲突焦頭  
說向馮誰記夢裏春風還暗起吹殘幾樹瓊花蕊  
釵玉泥椒芳靄集論斛微螢光散雷塘碧萬柄風荷搖  
欲折白花雪艷紅花血蟬鬢迴舟羅袂溼花白雙頭  
佩自璫瓊瑛香徑當年眞誤識蘇臺鹿去畱遺蹟  
獨枕黃門排闥語底事王孫羞共將軍伍奉壘功高淸



渭路漢陵一片瀟瀟雨  
伯玉佯酣情更苦烈烈南風  
吹夢迷陳舞掩卷推蓬天欲曙  
勞人聽盡津頭鼓

六么令

銷夏灣荷花

露濃煙重玳瑁愁珠碎  
一枝兩枝紅艷點出  
凌波翠應是吳宮人去  
萬古畱惟悴鷺衰相對  
晚蟬咽處賸有漁歌  
伴殘醉我是江湖僂客  
浪蹟沙鷗外著箇魚婢  
樵青小艇剛同載  
驀地看花心苦暗墮  
鴟夷淚佳人難再  
問他玉骨可向西風  
卸環佩

相思兒令

憶荷萼

一葉一萼教見零落儘  
西風可惜綠波明月相映  
小池中銷夏記泛孤蓬  
徧青山難自吳宮歸來  
夢繞煙蘿

漫愁響屨廊空

浪淘沙慢

聽緜嶺瑤笙乍杳喚起長笛斜日餘霞漸隱  
鹵風過鴈又急望十二瓊樓無信息倩青鳥飛度  
蒼茫但弱水浮山最淡處文鸞見孤立還憶當年  
誤注僊籍待梳髮扁舟隨流去星帶羊裘客奈舊盟  
都寄漚波鷺雪易抽獨繭怕鈞絲暗惹珊瑚枝絡  
歸路遙秋林雲掩歸心尚倚紅盼碧試吹向柯亭  
應更惜甚春艸萬里芊絲只一夜輕霜作盡蕭條色

西地錦

足遣秋陰如醉替海棠冰淚空階夜漏寒蟲細語便無



愁爭睡 何況鎧昏簾內又月明簾外疏枝瘦影橫斜  
徧地寫秋風無賴

壽樓春 登翠微亭同叔安作

風蕭條吹衣又危亭共陟寅餞斜暉橫黛低環江表秀  
餐蛾眉紅蓼綻鱸魚肥喚綠簑歸來歸來恨暗浦沈潮  
疏黃委竹荒過釣人磯 西南月空依依筭何時爲我  
光滿瑤臺可奈朝雲輕杳算煙橫飛孤眠醒寒羅幃望  
露盤高寒先知歎病渴文園東封箸書畱待誰

浣溪紗慢 別鵲參天忽焉經歲團樂共集弔影獨  
悲情不自勝遂成臨樂之歎

玉骨瘦一把明月圓三五杜郎夢醒早見秋如許叢桂  
試萼禁盡連宵雨天上人間苦星影隔銀河海山遙青

鸞倦羽 移家去誰挽鮑宣車便香橙送酒脩竹倚雲  
遠黛橫眉臉總替斷腸人畫傷心譜莫聽傷心語剗地  
起鹵風共秋光都無問處

水調歌頭 題趙野航懷人圖

千載數人耳況復要同時天涯何幸相識相識又天涯  
時節非秋非夜光景無風無雨那便不相思可柰翠梧  
葉飛墮最高枝 山陽路倚樓笛怨長離幾番斷續歎  
咽孤響喚雲低贏得江湖逋客獨對香銷鐙燼舊夢是  
邪非絳闕在何許明月向樓鹵

好事近 有贈

桐露欲霑衣香綻滿園金粟病起要肢無力看新來裝



東 中秋過也月仍圓天然孕珠綠更向桂娥淡拜有  
誰聞私祝

又 代會

寶鏡隔宵圓剛破遠山愁綠設道不勝羅綺柰夜來新  
浴 紅窗女伴見還憐相攜畫闌曲共報空秋雨字是  
東君親祝

引駕行 中秋無月

絲絲恨雨叢叢困柳吹不斷少男風皺池面魚跳落藥  
香中冥濛姮娥耐寡青天自遠招不向畫樓東繡簾底  
佳人冰望都空無輓 曾萬家簫鼓亂催鐙火互霄紅  
柰事往難尋卅載遣青鬢成翁 如虹珠光劍彩賸付

粉本郵筒問甚時瓊宇淨洗碧海一鏡孤融秋濃聽井  
梧枝上涼颼成陣送歸鴻筭近來花漏漸永怎禁到晨  
鐘

聲聲慢 十六夜有月

鍾坡散紫幕府縈青今番漸成秋霽玉鏡仍圓偏帶桂  
娥愁思紅窗暗驚衰冷是淒風連宵畱在九萬里要人  
人都向畫屏無睡 香篆普尋幽縈任湘簾八幅淡掩  
濃翠脈脈盈盈爭遣露闌長倚金徒漫投筩響正蓬瀛  
胡天胡帝怕怨遂喚驪龍還又夜起

木蘭花慢

十七夜紫庵叔安過飲待月不見別後  
月出已復雲陰慨然有作

燦閒庭桂粟真盼得故人來任雨雨風風朝朝暮暮總



付淡盃空階坐看暗竹送疏螢數點傷人飛定是涼蟾  
未透不成霧幃難開樓臺倒影落君懷依舊鎖清輝  
又歸去恁恁孤吟剩我踏徧蒼苔剛才倚闌望極甚久  
輪便碾玉塵回單照人閒恨別只應長似蛾眉  
向殘更冷露雲乍起繁華愁便地角天涯故情閑恨總  
上心頭悲秋怪他宋玉甚高唐尙解賦溫柔碧海青天  
易老玉尊檀板應休重樓換燭下簾鉤不夜是瀛州  
怕弱水迴瀾神驚戲舞仙袂難留蓮舟醉眠太乙泛銀  
潢貫與斷檣浮誰道成都賣卜還知飲渚牽牛

風入松

幽風不管鴈行斜吹送極天涯丁甯莫向南樓畔有無

眠人掩窗紗剛被一庭疏雨喚回愁夢些些沈思淚  
臉溼梨花征戍未還家分明鴈過無消息定龍堆不貫  
風沙有幾封侯夫婿可應輕問仙槎

金縷曲

蹴跋黃塵下記當年輕衫窄袞居然游冶笑向氍毹飛  
觥玉紅燭久曠相欺任一斛驪珠傾瀉忽聽雞鳴投盃  
起正霜稜蝟磔鴛鴦瓦還縛袴再加把急裝拚得真  
長訝問何如車中閉置綠鬢紅姘射虎封侯尋常事醉  
尉逢時遭罵漸英氣都消磨也一劍猶存堅難拔料龜  
文繡損千金價且傍我繁琴掛

長亭怨慢



見千丈游絲飛裏拂柳黏花繫春多少曾得春愁又扶  
春困惜春老一聲啼鳩都換卻池塘艸只管背人歸定  
不管拋人爭好還道是而今去也畢竟爲伊重到青  
梅煮酒容易盼綠蕞收釣作弄出萬種秋聲漸催向寒  
天霜曉但化石枯松斜倚蒼崖一笑

風流子 金鳳

妖婢太呈嬌黃花晚又值楚蘭彫向瑤砌路邊裁霞筋  
雪玉容釵畔帖鬢黏翹可憐許穠歡彈指盡薄媚轉頭  
消驚蝶亂飛那尋春夢夜蛩孤語還溼久綃 佳人冰  
眸處蒼苔冷可奈恨種愁苗誰在九成臺上相竝吹簫  
況新乾竹粉難拈碎粒漸稀梧葉祇剩空條回首仙霞

關外雲雨迢迢

破陣子

昨夜綠幽幽夢分明春在枝頭仙翠動香雙弄羽橫吹  
捎雲其倚樓不知庭院秋 好月看成破鏡空江咽作  
寒流池上衰痕風自展砌下蟲聲雨未休幾家砧杵愁  
鳳銜盃

定風波

爲有書來說見期便愁桂粟下高枝昨夜雨聲寒透枕



愁甚是秋風要落花時 侵曉索香來石畔初見星星  
水面任魚吹再有三朝并五夜都謝這番須遣畧開遲

壽樓春

呼癡叔安以驅癡詞見示譜此會之

高臺欹何年帶長林蔓艸都化秋煙巉峭初開晴宇斷  
雲還連盤馬向渾河邊叫餓鴟蜚鴻驚弦甚點鬢吳霜  
圍要漢柳顛顛近尊葍 英雄記空陳編任澆伊萬瑣  
難醉重泉一翅青冥去也望中淒然于闐誰江淮馬到  
恁時支公猶憐怕喚得青鞵梁園但爭狐兔妍

滿路花

缺月臨清曉便向花叢繞一夜和衣睡醒來早細看池  
面減卻香多少剛待伊來到待得伊來爲伊添恨添惱

尋常百種落去還顛倒況是香勝色來雲表乍開時  
節玉露金風了那見春光好教見春光不辭人共花老

鬥百花

欲住鹵風還急欲去東君還惜池上石邊情味月下星  
葍鞦迹蓼溆蘋州都來換卻秋容一例碎紅零碧 七  
寶圍久雪清影只共十二闌干露滴聞道紫娥霓裳早  
傳橫笛底事人間年年待掩輕羅卻問散香消息

月上海棠

蟋蟀

商音不共檐鈴語壯裏驚昨夜夜淡雨劍鋸花寒一聲  
聲喚聞雞舞天生俊合上凌煙畫譜 將軍鐵甲皆黃  
土漫尋他秋叟半閒處磬辨絲哀乍沈吟舜階干羽休



空恁謝向天涯倦旅  
碧牡丹天竺對合土秋盡歸  
不恨殘香少不恨金風掃只恨閒窗獨自些兒懷裏鴈

帛輕傳將箇人愁老而今書也無了  
望難到弱水蓬萊島人間恁般遼渺步上危亭可惜江山重繞缺月如

弓收露痕清曉蛾眉仍在天表  
江城梅花引江來楚芳塘報道有夫容淺淡叢繡重重節近重陽疏雨最惺

忪人要憐花天未許蘭棹去楚雲歸十二峯  
柳隄又嘶玉驄與乍逢清鏡中伯勞燕子無消息各自鹵東

新來愁碧為誰濃一寸眉心都縴了魂斷向晚霞

邊夕照紅

醜奴兒慢

醜奴兒慢

尋春倦也春恨都成秋瘦向濃靄遙期仙侶更與尋秋

一片楓林縱無黃葉也颼颼誰家籬落相邀細語淺碧

香甌繞盡亂峯恰當歧路斜照紅收怕依舊青驪歸去誤了重樓宋靜黃昏箇人鐙下枉水眸芙蓉空把瑤

京自遠莫莫休休  
三字令

催夜雨遣沈雷柰秋裏紅蠟燭繡羅帷正涼天剛永漏  
泣瓊瑰簷溜急砌蟲哀爾何為教白露點蒼苔一般  
都霜下老畧遲迴



新荷葉

可惜梧桐不曾真作秋聲一夜飄殘疏黃到地還輕濃  
陰似幄記晚涼新月初生碧羅衫薄倚它玉立亭亭  
頓遣彫零重陽風雨江城耐久紅薇數枝偏繫離情湘  
簾漫押待淡宵誰與秋聽只愁青女等閒不駐雲軒

掃花游

減秋一半是布地黃金亂霏香屑怕留恨迹要連絲細  
雨灑伊空碧顧兔全銷萬里祇餘暗魄謾相惜試吹淨  
遠山還更愁絕瀛海望未極歎絳羽翻輪紫霓嬰節  
蜃樓易結便怱怱換了廣寒瑤席地久天長刺與姮娥  
舊識共歎咽夜龍吟數聲驚裂

迷神引 落葉

賴有清池當墜處減一半秋聲去鹵風便劣應念飄零  
苦已辭枝還吹送向何許背面總天涯休寄與只恁點  
蒼苔亂砧杵漆室宵來獨倚南榮柱盼絳樓高銀河  
阻字痕淡鬢歎空檢題紅譜待不關心爭禁得隕如雨  
曾向落花弄驚見汝嬌綠上宮衣稱金縷

度江雲 聽雨

沈陰欺落日鹵南望極何處是蛾眉算煙吹不散却趁  
斜風化作雨絲絲雲鹵倦掩柰瀟瀟直透重帷秋夜長  
黃昏拚便聽到五更雞披衣金蟲忍啖寶鴨銷溫怕  
中宵不起但暗惜湛盧繡滿誓鄭難揮玉闕未出傭書



老便封侯骨相都非青嶂好紅藤扶我歸來

霓裳中序第一 夫容

魂銷昨夜雨岸柳池荷添恨譜山遠愁濃黛牋襯膩臉

斜紅枕痕如縷寶奩嬌自語 句本四字依後疊增寶字 盼不到魚沈

鴈阻亭亭在畫闌左側獨立甚情緒 淒楚湘靈危柱

調入霜天驚紫女籬菊難尋癡圃但淺倚晨暉漸成遲

算解裝鵲漢浦怕未抵明珠翠羽悵悵向九萼帳裏豔

影醉僊侶

木蘭花

癡雲自向天邊住錯道遮將明月去倚闌無語立多時

臉上淚痕衣上露 情淡不怕秋宵曙要勸沈陰還太

繁倚天長劍縱荒唐風是并刀雲是絮

鶯嗁序 饒秋

征鴻去程漸遠覺高樓夜永算雲便都逐風消麗天惟

見曼井綺窗外輕聞墜葉枉教瘦了梧桐影問何時扶

起久輪桂香重影 九十秋光荏染過却半煙昏雨暝

破愁索黃菊丹楓近來都助淒哽深痕浸亭亭豔骨戲

魚不上芙蓉冷問何時捐與紅蘭佩纒重整 尋芳鬥

艸碎暑浮瓜把後游漫省可柰被蹴花鶯燕斷送春歸

翳葉蠅蟾頓催涼醒如今縱向疏林慘黛些些畱得容

光住怕嫦娥後夜妨孤迥清霜暗約萋迷換了天涯故

國尙盼萍梗 懷人夢短蓄艾年徂鎮為誰瘦瘠怎不



念枕霞山閣靜對雲松濯髮溪橋卧浮煙艇猿嘯鶴怨  
多應知得瓊英不貫重簾護早春池釀出波千頃南枝  
先覺檀心密蒂幽幽其誰細領

臨江仙

家人有賦殘菊者卧榻口占

未擬傲霜先著雨玲瓏斜倚籬東老夫貪病看還慵漫  
扶藤杖酒止玉梧空 差喜兒曹相料檢殘香吟和重  
重淒清聲斷北來鴻明將瘦影寫入縈屏中

柳下詞

菩薩蠻

荆溪周青木君著

秋雲一翦如羅薄遙山低隱紅墻角日日倚闌干夕陽  
風雨酸 輕陰留不住落葉苔階聚枯草壓霜殘亂蛩  
知曉寒

同

西風黃葉飄零影疎林飛遶何曾定一雁起湖干砧聲  
處處寒 南枝清夢憶誰解春消息香氣撲簾櫳雪花  
融未融

摸魚兒

聞雁



正淒淒暮秋風緊孤鴻嘹唳飛度征程不怕關山遠獨  
影更誰爲侶高絕處有幾點輕霜寒逼凌霄羽還棲別  
浦又衰草愁煙荒蘆映月漁笛夜深語 休教住似此  
北來南去嚴寒避却曾否天涯空有傳書夢驚斷玉砧  
宵雨應最苦便倚遍闌干九曲人何許恁時聽取想彈  
鵲情懷祝燈心事都向翠眉聚

菩薩蠻

春光分是江南早新來夢也連宵好酒醒暗香生隔花  
啼乳鶯 黃昏深院裡裊裊清歌起歌罷月闌干月高  
羅袖寒

臨江仙

砌綠堆紅爭艷冶夜深剩有花魂隔簾寶鴨篆猶溫月  
斜煙斂庭院又昏昏 還恐東風吹欲散空園難抱孤  
根飄零莫道樹猶存杜鵑枝上徹曉是啼痕

齊天樂

雪意

北風惻惻欺茸帽家家耐寒時節落日蒼茫亂雲堆砌  
千里關河淒絕漫拋刀尺正滿地霜華一池冰屑那要  
憑闌夜來已是冷侵骨 袁安高卧歲晚有紅爐正煖  
香醪還熱綠斷蕉牕黃欹竹徑惟伴梅花高潔南枝乍  
坼縱此際飄糞未應推折祝取飛瓊助伊香味別

祝英臺近

雪霽

月高寒雲掩斂深夜獨凝竚歷落晨星窗影淡將曙北



風又拂晴簷亂瓊飛墜渾不是擁爐心緒 恨難訴一  
任清漏通宵淒涼對人語消盡冰魂空逐亂流去不知  
春到誰邊只留梅影伴冷落閉門深處

齊天樂

題保緒夢遊圖

關河不隔年來夢蕭條壯遊情緒壁掩昏燈帳驚仙蝶  
一派迷離何處乘風欲舉又竹影橫雲亂山無數掩映  
孤村渡頭帆擁暮潮路 低徊還記舊地對黃昏冷月  
岑寂無語細雨驚回荒鷄喚起難把飛絲重駐疎狂伴  
侶嘆半枕愁痕細縈煙縷莫遣霜毫更重臨舊譜

虞美人

綠楊長伴緋桃住古斷春濃處臉霞腰素競芳菲一片

柔情空際轉晴絲 淒涼幾陣黃昏雨斷送春歸去卧  
紅堆碧隔年期一縷輕魂還向玉樓飛

青玉案

秋蛩

一輪斜月橫牕瘦漸午夜輕寒透好夢驚回濃睡久小  
堂深院短檠如豆正是吟秋候 淒清苦咽銅壺漏起  
擁羅衾攬衫袖舊恨新愁拋却又碧梧金井綠楊沙渚  
人病曾知否

惜紅衣

霜葉

幾度秋風連宵細雨嫩寒天北雁影橫雲清霜更淒惻  
辭枝遶砌應不管飄零無力空憶香徑殘紅尙徘徊春  
色 濃陰點綴曾費詩人沉吟五花筆千山杳雲外管



離別儘有惜花心事試與停車重首但荒邱狼藉剩把  
錦囊收得

鵲橋仙

花陰黯淡春遊岑寂誰管連天風雨惜春何事最關情  
只水影蒼茫東去庭深綠草簾垂疎月靜夜聲聲杜  
宇可曾幽夢乍驚回怕不是年時心緒

南鄉子

閒保緒猶在蘇

清夢遶吳宮欲去還來路未通記得蘭舟曾繫纜朦朧  
煙樹參差夕照空傳語向東風畢竟名花舊日紅浪  
迹年來誰作伴孤蓬君是愁中我病中

踏莎行

月色橫空天香入戶清宵耐冷三秋樹竹牕歸雁幾行  
斜一聲隱約雲邊去薄劣西風零星白露疎林霜影

籠寒霧柴門黃葉任飄零閒庭亂捲無重數

玲瓏四犯

春雪

寒壓繡幃香生朱戶看來春信初起北風纔撲面淡薄  
雲千里冷絮飄零片片灑芳叢數枝斜倚慧想鏤冰元  
言屑玉日暖散清綺爭春兩應羞比有肌膚足羨攀  
嗅堪美當空旋落霰入夜疑堆葑釵頭試插空添恨但  
贏得人前旖旎君記此春來問袁安是矣

鵲橋仙

輓綬章

生花吐鳳凌雲傷鵬燈隔素帷搖影玉樓此日想初成



看碧落碑題新詠 遺編尚在焦桐何處惆悵風流消  
盡池塘春草夢難尋嘆玉樹還生幽徑

卜算子

春到未教知春去偏教見金勒驄嘶陌上香人在深深  
院 轉眼又飛花心逐東風亂青草庭深細雨來莫捲  
珠簾看

浣溪沙

寂宋書齋晝不開小牕一點放春來黃鶯欲語又遲迴  
絮惹遊絲隨幕轉花飛小徑任風摧夕陽何處認樓

臺

無悶

春雪

花發疎枝風送暗香閒向層巒獨眺算紫燕纔來小桃  
初笑辦着狂遊清興又幾點餘寒隨殘照凍雲一片飛  
花捲絮黛痕如掃 情繞故園道怕杏臉難回梨魂空  
悄禁脉脉春光暗隨人老遙憶飛瓊靜夜尚小步階前  
迎清曉縱此際獨擁虛衾好夢經寒應少

小重山

綠暗山前春事深小齋長閉戶理瑤琴落花風定斂輕  
陰飛泉冷寂寞易驚心 薄霧暗高林斷紅無覓處嘯  
春禽隔牆啼苦日初沉三更月獨許子規尋

誦衷情

春去如羽東城路雨淒迷山不斷誰管玉樓西風送落



花飛依依餘香沾繡衣燕啣泥

鶯啼序

愁人送春最苦又青山無數嗟此日耐可凭高默默從  
教春去看爛熳江南花事連天綠暗津亭樹但無聊聽  
罷啼鶯鷓鴣如訴夢繞秦樓琴橫客舍更誰問羈旅  
柴門任獨掩煙嵐碧雲重疊催暮枕愁歆孤燈懶對儘  
薄醉金樽時舉嘆暗牕一點無情頻驚風雨愁來量  
減老去才消屈指幾今古恣狂縱少年情性玉勒驚嘶  
隋堤貪看十眉爭廡撲缸香釀點衣紅溼花邊小坐歌  
金縷有盈盈嬌靨頻回顧章臺何處祇應贏得飄零試  
與拈將飛絮餘香難自試問枝頭擬倩誰爲主清晝

永空庭紫燕漫寄相思暫得雙棲頓成無據倚闌凝淚  
杜郎甚日歸期驗得簪花卜筮風流還把羣芳譜荒郊  
細草空教日斷天涯淡煙薄霧

柳色黃

綠陰

雨溼芳枝風送小窓綠暗如織無端細草連天掩映做  
殘春色輕煙漠漠剩有幾點昏鴉繞林一片橫雲黑秋  
夢怯重尋莫凭欄望極難自絳唇紅褪膩臉香銷但  
成追憶纜繫湖邊一笛漁舟消得可堪鶯燕一任老盡  
風流斜陽影裡空南北更甚處王孫未歸來金勒

解連環

畫陰庭院算窺簾鳳子半隨春倦怎奈向碧甃雕甍攪



風裡遊絲暗留花片幾處幽香早特地撩人夢斷怕依  
依欲語如嚙又笑倚闌初見多情別來眷戀嘆芳心  
未久霎時偷變想小徑玉勒爭嘶看桃李經春肯藏嬌  
面舊日劉郎但付與愁魂宛轉漫低徊一任流光畫簾  
莫捲

鷓鴣天

午夜空庭戶暗扃流螢幾點亂疎星小池殘暑煙還斂  
嫩竹新涼夢未成幽恨滿暗風生玉琴時解捕蟬聲  
何當皓月臨牕處一片荷香十里橫

惜紅衣

山中憶蓮花

戶鎖遙山琴橫旅館玉容難識出水亭亭天然去雕飾

紅妝掩映應未減當年傾國天北枕轉簾涼夢凌波岑  
寂雨翻比翼翡翠驚回空巢定相憶盈盈隔水笑靨  
尙凄惻何況粉紅輕墜露裡淚痕偷滴問華山何處空  
賦一池秋色

淒涼犯

蟬

小庭槐影孤棲久愁心漸入弦索未應得陰恰纔抱葉  
早憂黃雀斜陽漠漠漫空向輕陰自托最高枝三危露  
好須管夜涼著猶記櫻桃樹綠葉深深爲誰飄泊臨  
風乍嘯尙迢迢夜螢難約薄翼蕭疎算嬌髻空經暗掠  
恨仙姿一餉未識任寂寞

瑣牕寒

螢



曲沼低飛深林弄影可憐清夜疎簾巧入隱隱一燈相  
射耀微輝隔江亂流幾番細雨當空灑問夜珠誰擬潘  
郎何在未增聲價 低亞迷樓下正短燭難留隕星獨  
詫却被紗籠小扇招來盈把想凌虛一身自輕傍楹點  
點空暗惹怕銅盤露冷三秋碧草難重化

羅敷豔歌 鳳仙

女兒嬌小朱闌倚紅白交輝未解芳菲午夜無心月半  
規 飛花不向秦樓去且暫停微雲水無依秋雨秋風  
只自悲

瑣聽寒 秋夜山中聽雨

暗雨敲牕新涼入戶客中秋思瀟瀟靜夜着意作成懽

悴伴殘燈夢魂乍驚却愁抱影渾無地嘆小庭危檻亂  
雲如墨未醒殘醉 慵起還忘睡正砌竹時鳴井梧欲  
墜不斷銀壺點點空階滴碎擁虛衾薄寒未禁更堪一  
縷簫聲細又三更枕畔鳴蛩只說淒涼味

青玉案

經秋月色明如霰逞遊興誰家院寂寂夜涼簾半捲廣  
陵濤急紫雲歌倦長是開清宴 山空孤館雲橫練萬  
里清光高更遠曲檻徘徊人不見素絃空試暗燈慵翦  
蟋蟀傳新怨

一落索

清夜閒愁千縷夢魂無據暗燈荒館照孤眠但唧唧秋



蟲語 破壁黃昏凝竚 淒涼難訴 井梧不許聽吟秋 又  
浙瀝階前雨

霜天曉角

寥落空山對斜陽 掩關剩有相思 千縷殘燈下 夢魂間  
莫去倚闌干 征鴻一點 還寄得秋宵 寒信清霜滿 故  
枝殷

浣溪沙

霜影沉沉滿樹濃 疎林幾處透深紅 誤尋春色到山中  
夢斷竹牕驚細雨 愁隨塞雁動 悲風白楊蕭瑟漸無  
蹤

淒涼犯

冬夜山中望月

亂山高絕黃昏後 孤輪夜寒如削 荒村一點 疎林幾處  
素煙垂幕 愁雲淡薄 漾瑟瑟 霜風正惡 倚闌干 更深弄  
影 星斗燦天角 漫憶狂遊 路歲暮 關山照伊 飄泊涼  
宵 獨對賸蕭條 暗燈空閣 懶擁虛衾 怕清夢來時未着  
又窺簾曙色 隱隱漸欲落

玉樓春

青霜一片寒凝水 落葉疎林看似洗 蘭成憔悴只因愁  
久 倚虛牕 扶不起 夢中驚覺 孤燈對回首 十年成底  
事 亂雲浮雪 北風涼 彷彿早梅香 細細

卜算子

冬日倚虛窓 山影籠殘照 霜葉經風處處飛 小徑無人



到枯樹太蕭疎尚有鴉爭噪莫更徘徊獨掩門清夢  
時驚覺

點絳脣

天賦傾城一簾花影魂飄渺暗香還裊明月橫天表

路絕銀河音信年來杳情空悄悄相思縈抱好夢時驚覺

巫山一段雲

別後渾相憶來時故弄嬌黛眉長皺未曾描清淚濕鮫  
綃背影愁無限含情恨未消倚闌獨自語無聊此際  
可憐宵

浣溪沙

客去淒清不自支竹林閒步漫題詞春來無處說相思

紫燕窺簾聲似翦梨花隔院雨如絲風流空憶少年  
時

倦尋芳

馬嘶柳軟鶯踏花翻春事如許紫陌遊人誰惜故園春  
樹買笑吳姬留醉飲解貂公子忘歸去逞豪華看斜陽  
漠漠淡雲微雨嘆冷落年來何事門掩黃昏愁恨難  
訴萬紫千紅開遍欲飛還住香繞疎簾驚好夢魂迷荒  
館隨晴絮怕芳枝尚依依舊時張緒

蝶戀花

嫩綠嬌紅真絕艷不住風中牽惹遊絲軟花底踏青人  
未倦暗塵遙隔胭脂面一點幽香難自遣去意徘徊



贏得愁深淺瘦損蘭成誰獨見玉樓春晝添新怨  
鷓鴣天

深鎖重門久未歸旋驚柳絮任風吹綠牕一點愁何限  
亂惹遊絲去復回情展轉影高低扶春不起尙依依  
津亭一霎無尋處流水長東樹影迷

翠樓吟

細草連天飛花貼水高樓目斷羈旅凝妝應未懶看春  
色飄零如許風塵情緒想破帽殘衫不堪微雨誰爲主  
自應消瘦亂愁千縷此去一別經年嘆篆煙香冷塵  
煤慵炷清宵憐好夢奈添線光陰初午低徊莫訴悔昔  
日難留今朝何處迴文句幾回空寄楚天飛羽

憶舊遊

憶保緒

記雲橫遠岫路隔長河一別經年客夢應消瘦况春光  
轉眼老盡江邊夜深曲檻凝望明月幾回圓嘆玉勒嘶  
風紅塵染袂更覺淒然荒園漸寥寂問在遊恁處過  
客情牽綠暗溪頭樹怕殘紅點綴血淚啼鵲碧波弄影  
如繡何日放歸船但目斷關山音書未寄空自編

水調歌頭

山居

客寄爲貧耳何事入山深半間茅屋獨宿風雨幾曾禁  
薄醉荒村旨酒間煮春園新茗榮辱未經心啾唧枝頭  
鳥來伴我長吟遊興懶芸牕下碎鳴琴幽泉石上鳴  
咽俯首倚疎林煙鎖一輪明月冷落家家門戶清夢不



堪尋若更遇知已攜手試登臨

憶秦娥

春難約鶯聲脉脉鶻聲惡鶻聲亂催春去斷紅零落  
翠陰搖曳青衫薄往來蝶夢渾無着渾無着空山月  
夜素煙垂幙

雨零鈴

涼宵岑寂坐幽牕久人更難省清輝月在何處疎星伴  
我光搖天北一霎愁雲掩映又遙看無迹嘆驀地禁得  
狂風細雨瀟瀟夜如墨孤螢一點飛牆隙也有時弄  
影初流碧淒迷細草原上低照處問誰相即欲傍星光  
長是更深隔水會憶更那識無限淒涼任往來猶織

少年遊

愁雲似幃嚴霜勝雪寒意繞荒城旭日烘簾東風撲面  
春到草微青有人攜酒尋花柳沉醉不曾醒轉眼飛  
紅無端落絮知否慘啼鶯

雨零鈴

秋陰寥寂廢園枯樹誰更會惜清霜靜夜幾度疎風細  
雨漸來如織浙瀝聲悲四野惹閒愁無極嘆一霎落葉  
紛紛回首芳林影難省秋聲聽處原無跡是數枝特  
地長相激連綿細草何事還一樣暗蟲啾唧好夢驚回  
空倚虛牕暮雲如墨更恁處深鎖柴門也悠遊晨夕

南浦



清夜倚虛牕聽聲聲疎桐葉落如許淡月掛雲端西風  
緊吹做一天微雨燈前獨影問誰曾把情懷訴隔簾幾  
處還唧唧秋蛩添人愁緒因思一餉飄零嘆羅幙霜  
侵繡衾寒妬歸去問何年津亭路猶憶殘春飛絮沾泥  
貼水幾回目斷斜陽樹可堪秋暮更玉笛吹來離愁無  
數

菩薩蠻

淒迷一抹斜陽暮細草經霜寒滿路雲影趁疎風飛來  
又幾重孤村人不見別院秋蛩怨隱隱棹歌聲隨流  
入太清

虞美人

雁

蘆花深處驚飛起嘹唳秋風裡碧雲漠漠怯霜寒何况  
連宵微雨濕衣單傳書一餉空留意曲檻人誰倚半  
燈孤影晚妝殘深院依稀繡戶未曾關

玉樓春

殘紅落盡園林古暗綠妝成簾幙素子規啼罷鷓鴣啼  
誰向夕陽隄上路紗窓日日黃梅雨乍暖乍寒無意  
緒十分擬借酒澆愁典盡春衫誰貰與

慶清朝

淡月當頭薰風拂暑空園獨自栖遲蟬聲乍咽早涼高  
樹先知石磴翠痕似繡還凝坐莫惜羅衣當年路盡縈  
野蔓掃徑因誰記得故人握手向斷人行處分外依



依流螢一點池邊却笑孤飛空憶星光四照怕難今日  
說高低黃昏後未應禁得雨打風吹

虞美人

小樓簾捲東風細楊柳煙如醉陌頭不斷玉驄嘶試問  
鶯兒會否叩朱扉臨牕不是吹梳洗新更添憔悴夢  
中祇怕被郎知郎若真來還肯畫蛾眉

貯素樓詞序

夫翠水滋沙茁九光之秀鱗雲暈月發五色之華道以  
久而神氣以感而化事理有之才其尚矣家介存進士  
業暨賈董體兼管葛知言以爲養善隱而用文道光辰  
已之歲倚居白下春水園著論之餘究心詞學自謂得  
其奧窔可以冠冕宋人蓋雲霞鬱勃漢澗瀑而源通松  
柏輪困孕苓珀而氣潤長言不足咏歎繼之心之所流  
無可窒已姬人蘇氏佩囊居鸞鳳之列鳳乃爲公分桃  
李之春蘭斯獨秀時依縑素遂習宮商促拍慢聲都嫺  
軌則晨夕諷詠成貯素樓詞一卷花模月範瑤理瓊輝  
嬌施難比色于常儀蠻素可亂真于長慶園中饒臺榭



竹木之勝風廊水約螢扇魚縉托物吟成抒豪賦就一篇乍出三雅橫飛鶴唳摩空金聲擲地伍徊對影慷慨沾巾亦足柔英氣于中年付雄心于逝水娟娟默默心寫神彩長此高臥羲皇相忘耕鑿倡予和汝誰曰非宜進士家蜀山下故東坡買田之所也籬下三弓可蒔花藥溪南二頃足謀稻蟹鄰里淳樸領事外之致子姓雍雅有閨門之和芳艸滿徑青山繞廬廚釀蓄于四時架帙侔于二酉陶公歸去無事尋源仲生端居自然樂志異日者打桃根之槩挂樵青之帆倚罨畫為軒窗列銅官于屏幃麗句明珠傳同天籟佳人空谷望若飛仙固已極塵世之殊榮人天之勝概矣他若羊侃筵前翩翩角技史遷車後婉婉隨行蒙有猜焉不足方也道光癸巳六月夫椒山人儀暉序







見尋梅記  
袖怎逐江程鶯聲啼滿樹想遙遙遠隔烟汀待乘風隨  
他帆勢夢裏逢迎 清明池塘水碧新月影亂惹波輕  
竹陰閑素鶴落花千片裏倦舞還停新來雙語燕憶年  
時梁上經營喜舊巢依然畫閣不負初盟

望海潮

濛濛疏雨漸敲朱戶西風吹透簾旌深閣晝眠重幃暗  
鎖鶯啼殘夢偏驚春盡絮飛輕共海棠落去千片無聲  
此際魂銷但將離恨寄春行 清池水上橋橫被行人  
遮住隔岸初晴斜日樹邊檐前燕子銜泥虛傍雕楹人  
倚越山屏是爲花憔悴減卻芳情冷落香篝又隨雲想  
度長更

虞美人

昨宵風雨連煙暮花落猶疑誤今朝眞箇逐東流何處  
殘香偏入小樓頭 天涯消息憑誰問問也無憑準含  
愁擬酒待黃昏雙燕歸來和我共消魂

菩薩蠻

南池池上多飛絮嬋娟弄影來還去一釣蕩波輕亂香  
魚夢驚 小窗人久立星映遙天碧曉燕出雕梁啄泥  
知更忙

湘春夜月

落花

惜春葩辭枝都向天涯祇剩一片清陰畱取蔭苔沙細  
憶去年初會共低腰舞柳傾國爭誇被阮郎偷玩嬋娟



東坡詩  
纖影人掩窗紗 庭前過蝶池邊宿草天際明霞憔悴  
樓頭裝嬾便喚春回也難喚芳華叢叢桂葉料素秋香  
滿鄰家乍相別甚愁思消得闌干遍倚雲亂風斜

木蘭花慢

柰穠春雨細共風送落花聲正雙燕歸來尋巢弄翦虛  
傍簾旌黃鶯翻從樹底認嬋娟斂影照空明不道蛾眉  
蕉萃東風獨立殘更 雲行伴柳絮飛輕池畔草相迎  
被幾處啼雅但催愁思不解春醒堪驚春光似水照朱  
顏攬鏡不勝情憑杖東皇雨露明年更簇繡英

雨零鈴

西南風劣向花枝剗地愁先絕尋常莫道春去王孫未

老還堪重惜月上瓊樓弄幽恨飛燕能說漫寄向煙雨  
天涯一路香痕傍華轍 荷錢點點何堪折但清波渺  
渺銜魚妾流螢一箇巧入待伴我重簾岑寂夜漏頻催  
擬把雙蛾還聚愁碧柰露盤空盼金莖只向梧桐滴

滿庭芳

中元感賦

幾日新秋西風向晚又吹新月團團畫樓人靜衣袖覺  
輕寒漫道縈簾細雨良宵也別樣辛酸平池上流螢露  
草何處接荒原 凭闌看弱柳絲絲都是飛絮芳年柰  
纖影而今不到鶯邊此際魂銷霸岸歸期早尙隔霜天  
傷心處一聲梧葉和露墜窗前

迷神引

秋鶯



一曲笙簧臨碧樹，閉卻了蟬無數。當時應悔送得春歸去。一聲聲還疑被落花誤。怎喚得春回迷舊路。且復約春心，傍秋住。弱柳侵簾裏，裏裏尋飛絮。問畫梁間，差池羽紫，霄寒起。可傳得儂幽素。萬種深情，淒涼調不成譜。曾共玉樓人，移鴈柱。彈遍十三弦，淚如雨。

夢芙蓉

來鷗館芙蓉忽不發

主人譜此弔之命

西風吹綠碎，正瀟瀟秋影向人憔悴。年時曲徑香麝倚，濃翠怨魂和露墜。問他何處飄寄，繡閣重簾，但憑將畫稿畱得靚裝在。香發芳園曉，桂小院無人，弱柳還繁。繫霜華易結，空搵素蛾淚。蟬聲猶自嘒。砌蟲啾唧相對。那是淒涼替，招回豔魄，不信驗羅袂。

摸魚兒

移蕉

對仙雲小園籬畔，重重生翠。彌漫移來試傍瑤階種。只恐芳魂易斷。君莫怨。早約得潺潺疏雨，宵來灌桂香深院。可肯趁佳晨，露濃風靜，綠蠟一齊展。誰相伴。小立闌干，耐看舞裙似蝶，零亂。佳人扶病，伶俜頓覺秋添一半。春去遠。要雨帶春情，婉轉隨昏旦。柳絲千萬繫不住，銀河嬋娟纖影，枉把繡簾捲。

湘春夜月

蕉別

雨綿綿伴君今夜，淒然只剩一寸柔腸。都化作秋煙葉，葉羅裙生翠，共海棠嬌。映滅甚芳年，奈恩深故土，頓成小別。終是畱連。三更殘月窺簾，弄影別樣姿妍。何處



魂消酒淺送驚鴻瘦影直到窗前迴廊隔住料孤根不  
隔三泉問覆鹿向誰家夢裏天涯路杳一任高眠

芳草 蕉答

伴離情蕭蕭瑟瑟西風又感蛾眉今宵分袂處海棠親  
見有淚都垂瑤階還獨立趁佳晨帶露剛宜助新裝遙  
天一碧曲沼雙碕 相思叢叢桂影新來又鶯語迷離  
是年秋日間鶯會賦詞 赤闌圍素夢倩誰扶月起作弄嬌癡好秋  
輕過了斂芳魂雪壓霜欺待明年雲羅翠纈小院春暉

南浦 秋海棠

風吹豔落剩幽芳散作露階痕莫道秋容憔悴籬菊未  
招魂鏡裏翠眉裝淺料佳人還要點朱唇但拈來三徑

粉濃指淡耐可賦溫存 怪底年年纖影傍清池寒透  
綠羅裙暗雨驟鳴燕屋驚夢不成春試看紅消翠減便  
深情萬種付湘雲盼夜來圓月畫簾人靜伴黃昏

惜紅衣 九月十二夜陶谷程夫人贈荷

寂寂宵分團團月午一天雲散送得香來剛離謝池畔  
紅衣翠蓋應替卻悲秋一半銀漢訴與姮娥比天涯還  
遠 西風惹袖金粟鋪階佳人笑相玩蓮舟纔繫忘了  
採蓮伴目斷故山歸路一定有人淒怨但膽鉗深護莫  
把繡簾輕卷

西湖月 十八夜陶谷又贈荷花

瑤階悵望多時見月上林梢繡簾輕護是誰又遣瓊花



來自玉塘深處膽餅重拂拭柰前度仙雲畱不住問昨夜獨立瑤池可有別情離緒小園弱柳蕭疏弄萬種柔情共人冰竚漸秋深也裏寒嬌褪翠消紅誤西風吹不斷怕豔魄凋零和恨去賸白石惜到紅衣冷吟秀句

南歌子

細雨宵潛濕青桐葉半凋臨池弱柳萬千嬌繫慣離情繫不住魂消喚起重幃醉誰家弄玉簫秋聲怕問廣陵潮吹入秋心吹不展芭蕉

湘春夜月

春水園填詞圖

惜秋來蕭蕭瑟瑟花殘剩有籬菊叢叢還耐碧天寒待訴落紅離緒柰蕉心難展竹淚空彈漫傷秋老去窗前

有月且自吟看

樓頭夜永西風又送青女驂鸞盼到

回春彩筆共蕢洲片玉分樣裁箋憐他燕子寫棲香舊夢剛圓掩繡閣對琉璃研匣綠雲紅雨都付遙天

瑞鶴仙

題湯節母楊太夫人吟釵圖

瓊臺輝鶴羽念萬種淒涼小窗倦旅秋風無處所折一枝釵玉燕隨秋去雙飛俊侶早碧化鯨鱓雨更閒關千里征程還恐舊巢難住冰竚思親一夜掩淚相看白雲紅樹愁題秀句清鏡裏斷腸譜羨輕裘叔子朱弦彩筆爭識舊家風度憶春暉長似依依膝前絮語

一萼紅

題雨生都督雙湖夫人畫梅樓雙照

喚春魂倩羅浮枝上翠羽下仙雲陶谷蒼蚪古香曾識



尋常不數江村傍清沼亭亭裏裏兩三枝留與客溫存  
竹外籬邊松風檜雨舊夢無塵不道西湖當日早濃  
香疏影立盡黃昏彩筆閑題家山重到况禁雪護柴門  
定記得曉寒樓上擘鸞箋芳意謫朝暎待到花梢月轉  
再賦新痕

虞美人 雪蕉

繡簾輕隔階前雪腸斷何人說一聲孤雁入遙空賸把  
離愁漠漠訴西風綠窗猶賦裁箋句不管魂消處夜  
來明月著天流曾照羅裙窄地立深秋

夢橫塘

雨生都督有劍人緣傳奇讀竟即題十二  
古琴書屋填詞圖呈雙湖夫人

西窗風勁弄影寒梅向人無限蕭散月朗湖空記對把

紅牙低按雅髻蟬鬟黛眉丹靨海棠春綻喚羅浮舊夢  
共蝶醒來朱弦冷塵衫換人間俠骨仙才借杯澆塊  
壘都作秋歎恁好芳華總付與紫簫聲婉送淒楚斜陽  
一抹照到傷心畫樓畔海國濤生更飛仙劍斬鯨鯨教  
看

湘春夜月

夫子為友人寫綠陰清畫圖贈杜季野  
題詞以諷倚聲作此杜名小燕

小屏山閑看綉幙春融一翦拂柳穿花來睇畫樓東那  
識離情離緒會指鶯趁蝶占斷香濃柰韶光彈指朝朝  
暮暮又舞殘紅池荷倚恨東籬送酒雁影橫空漫道  
魂銷長笛甚傾巢雀鼠惱亂嬌慵訴盡傷心倩佳人彩  
筆玲瓏便好去覓青山茅屋星前月底靜對霜楓



婆羅門引

西風過後更無落葉作秋聲錦機偏動幽情萬里天涯  
路窄何處月長盈歎滄波一片輕換陰晴 冰眸短檠  
渾未辨舊時明況又瀟瀟細雨遙夜爭鳴餘華夢久怕  
相將都付與雲屏愁玉女立盡殘更

疏影

題王潤如夫人天寒有鶴守梅花圖

疎林瘦竹作萬種淒涼寒夢難續漫立闌干遙攬春暉  
天涯空自盈目紅消翠減憑誰記且傍者小窗橫幅任  
秋來落葉無情送盡玉蟬哀曲 猶喜庭前素羽碧雲  
明月裏顧影忘獨料得融融綵勝椒盤仙骨露華香熟  
簾前陣陣南來雁莫寄與離愁棖觸算世間一例春空

只有萼華凝綠

春雲怨

題梨花白燕圖為柔吉夫人作

韶華暗換見數枝冰豔盈盈深院瘦骨偏宜裝淡萬葉  
暮雲春思遠暖日生香輕陰送影半掩離愁半清怨簾  
外從他無言桃李閒立畫廊遍 斜陽一抹空遺歎寫  
生絹素幅幽懷難浣永夜姮娥易魂斷輸與梁間對語  
呢喃舊巢依戀動是天涯惜春人老柳絮趁風弄晚

一枝春

人日題玉戲圖同人取梅花枝上積雪印  
餅相餉遺夫子戲作此圖

亂積梅枝壓檐低欲折瓊花清玩東風乍起不是飛絲  
香軟纖纖素手漫搖向翠盤零亂但洗出一片紅芳裏  
裏占春一半 裝成羨他星粲染脂痕卻是佳人曾慣



草堂寄與莫道春情猶淺春留甚處想此夕柳眉應展  
消幾許簾外湘雲伴人深院

探春令

題明駕湖女史黃皆令自畫小影

寶奩開處嫦娥應識愁眉春綻自憐瘦損秋風面渾不  
是尋常見韶光幾度陰晴換賸幽蘭相伴任人間老  
盡芳菲萬種只恁湘波遠

探春慢

夫子夜宴集園歸為少海先生作孤山雪霽第二圖命題其上

江上新堂乍開春宴幻出瓊花玉樹不借東風吹他紅  
萼似怕韶光輕如但得好春回漫問道何人分付誰疑  
只欠幽香冷裝偏耐深處曲曲闌干凝竚憶萬點寒  
聲小窗曾賦繡幙低垂鈿箏龍笛喚起湖山煙霧不盡

蒼茫意怎銷向翠鬢紅舞五馬重來六橋芳草無數

蘇幕遮

寄贈耕晚夫人謝惠墨蘭

寫幽蘭香不斷試問何人替得東風怨素手織豪千萬  
轉一幅冰綃九曲湘波遠凭朱闌擡望眼繡閣簾垂  
細裊沈烟篆見說春歸將一半寄與春雲擬托雙雙燕

大聖樂

落梅

瘦骨亭亭偏宜裝淡共春爭色裏數枝簾外湘雲一片  
清波誰惜天涯傾國最恨掃紅東風勁送零亂幽香隨  
翠陌無言處漫凝立畫闌猶見遺迹多情忍教拋擲  
料雙燕歸來難自識算春光情鍾桃李那管離愁狼籍  
嫩柳搓黃含煙露更嗚咽長堤悲倦客斜陽晚悵空寫



生綃盈尺

鳳凰臺上憶吹簫

風雨連夕對瓶中杏花作

幾度東風瀟瀟吹雨作成春意闌珊惜瘦影無端憔悴  
處處凭闌誰道紅消翠嶂一枝正畫閣閑閑休重問恨  
在別離情在辛酸 呢喃乍歸社燕又絮語雕梁似話  
前歡要畱取芸窗長伴几案清妍除是調脂弄粉風神  
別着手都難拚今夕遍嗅片片香殘

齊天樂

清明後風雨不已惜花感賦

曉簾不散金猊篆凭闌爲誰凝佇鏡裏姿容人間離別  
舊恨新愁如許斜陽欲暮記一翦東風綠窗眉顰怎似  
而今作成疏影斷腸譜 垂楊池上弄碧裏千絲踈地

不遭春妒春本多情花偏易落畢竟芳年誰誤瀟瀟細  
雨向嫩葉殘英十分調護語燕歸來舊巢知在否

高陽臺

楊花

竟日東風縈簾柳絮霏微弄影臨池欲倩誰扶愁痕重  
上蛾眉芳情不道春如霧傍闌干立設多時要憑他流  
水聲中再續佳期 沈沈繡幕低垂處怕驚殘午夢難  
到遼西極目天涯斷腸忍說將離梁間細語雙雙燕記  
年來共斬香泥怎而今只替飛花遠寄相思

菩薩蠻

瑤階悵望春將暮幽蘭欲倩東風護已是不勝愁更堪  
明月樓 斷腸誰忍見梁上雙雙燕莫訴向嬋娟夜來



貝  
初學圓

闌干十二春光遍  
芳香暗減吹簫院  
最惜故園枝斷紅  
還自持  
陽羞嬌欲語  
說被東風誤  
夜久月生寒繡簾  
相對閑

拜新月慢

嫩柳成陰亂紅飄  
砌莫自登高臨遠  
獨立雕闌問梁間  
雙燕向何處  
特地窺他畫閣殘夢  
又誤幾番春淺  
風雨淒淒定蛾眉難展  
記當時薄醉桃花面  
甚而今暗裏春光換  
約得杜宇聲聲奈南來無雁  
正天涯旅客愁中見  
沈煙裏一一迴文篆  
漸瘦卻鏡裏朱顏待歸來教看

被花惱

珍叢館蓄薇

小園竟日惜春歸  
芳意獨畱仙館  
萬葉千條倚嬌軟  
窗前最是雙雙蛺蝶  
襯舞和愁亂  
剛欲語又斜暉  
半庭纖影淩波卷  
長記豔深時  
曾賦香痕壓檐綻  
新蛾漫綠早怯東風  
取次相吹散  
問何人暗遣門  
芳菲卻作弄柔紅  
夢中幻拚醉也  
莫待飄零清淚盼

徵招

綠陰

薔薇一點嬌紅  
賸芳菲漫隨塵土  
見說洛陽花早  
簾前飛去  
嬋娟無處所  
問桃葉而今誰賦  
極目天涯弄珠人  
老韶光輕度  
日暮倚闌干  
鶯聲亂  
怱怱問春歸路  
弱柳萬千條  
繫春痕不住  
幽懷傳尺素  
料此際湘雲難駐  
自沈吟翠黛雙蛾  
倩曉風調護



鳳銜杯

舊歡新寵未分明向誰行眉語忪惺手把白羅扇子掩  
秋星釵朶重鬢雲輕 將脈脈訴盈盈踏春陽綺緒難  
縈尋遍吳山越水不勝情瑤瑟倚湘靈

大酺

問極天涯人何處庭際綠陰鋪遍湘雲連翠幙動淒涼  
懷抱又成斜照試問姮娥人間苦別誰最傷高懷遠闌  
干憑來久正斜陽暗淡斗星偷換賸煙縷垂楊參差纖  
影伴人深院 新荷開又卷流螢小空繞銀河岸漫蕩  
起多情明月寂寂涼生傍清池春光都變不是東風裏  
休再向畫梁歸燕訴凝綠春深淺回首無語今夕斷腸

誰管牆陰一痕蕉展

西平樂

多謝瀟瀟細雨洗出深深翠休探南薰消息算得春歸  
幾日一半春痕猶在闌干凭處直恁空枝翠地 惜花  
意渾忘却空掩淚只有垂楊萬縷禁得風風雨雨弄影  
清池裏可記省秋容况悴 天涯路短人門世窄寫尺  
素向誰寄雨滴蕉聲聲碎夢殘酒醒一寸柔腸斷矣

燕山亭 新荷

啼鵲聲歇紅紫誰收盡付西園清沼鈎上畫簾燕掠微  
波倦懷為伊傾倒向卷冰心怕逗起炎涼多少悄悄漸  
院落斜陽月停雲表 鍼綫慵拈過卻更緊鎖雙蛾爐



煙空裏金盤出掌仙露侵衣秦關夢中難到花發何時  
待別倚南薰濃笑聞道香徑裏吳宮人杳

南歌子

社燕歸來後春爭宿雨多水面蕩新荷晚風吹不起奈  
愁何

竟日簾高卷輕寒似早秋天際暮雲稠有人猶獨立小  
層樓

莫向高樓望東風去不歸小雨又絲絲怎禁魂斷也上  
鐙時

隔岸流螢小時時度碧紗柳影漫相遮怕隨風直去極  
天涯

琵琶仙

寄姊

時節黃昏月兒起乍透西園芳樹連袂初試輕羅閑階  
共冰佇春正好千紅萬紫總輸卻綠窗眉臉廿四橋邊  
十三樓畔爭便離阻蕩蘭槳簫鼓喧闐筭難把清遊  
共鄰女多少不言情味付庭前鶯語吹盡了遊絲萬丈  
怎便能縮得飛絮莫損鏡裏朱顏渡江迎汝

長亭怨慢

乍聞得一聲春去料想東園落花無主越樣離情黛痕  
只向翠蛾聚繡簾空捲雲疊疊關山暮便訴與常儀只  
逗起淒涼無數最苦裏垂楊線弱漫欲繫情教住天  
涯恁遠怎但在闌干斜處判換卻滿眼流光夜窗聽沈



東坡詩話  
沈風雨問燕子能言曾喚春人醒否知飛去寄詞  
碧針丹

莫問春何處綠遍春歸路可惜東風取次催將西去極  
目天涯正淺深雲暮斜陽還在高樹逗淒楚細映霞  
成縷銀鈎漸生嬌臉縱到團圓解照離情幾許不似淺  
花傳綺窗愁苦朝朝都上眉譜  
雙燕不言初到  
冰情欲語有簾外靈風共人斜  
書便剛道愁懷易翦早剩下淒涼一片空餘萬縷垂楊  
樓外翠深天遠誰伴常儀瘦損但竟日凭闌黛痕難  
展瀟瀟疏雨濕到畫梁如霰應是新巢香軟可記省年

時初見分付杜宇休啼啼道綠窗春換

卜算子慢

湘簾半捲紈扇生涼滿目綠陰清晝曲曲闌干立遍翠  
環紅袖對斜暉無語空低首便待向天涯極目淡煙先  
暗堤柳夜久蟾光透念萬里嬋娟爲誰消瘦恁種淒  
涼況是別離時候儘無眠夢怕相逢陡筭只有相思兩  
字耐迢迢絲漏

念奴嬌

闌干凭遍正沈沈院落陰陰芳樹獨上高樓成悵望冉  
冉斜陽西顧前度東風吹開吹落不記離愁譜桐花飄  
砌早秋驚報圍圃還見萬綠枝頭蛾眉纖影欲倩輕



雲護曾照魂消春夜永也照春歸無語月自年年朱顏  
鏡裏還似年時否蕉心猶捲綠函曾有人賦

大聖樂

蘋婆果連歲秋花

颼颼西風怯紅愁綠作成憔悴念幾番春去春來萬種  
柔情都付一天香綺繞遍畫闌還冰望問前度幽懷何  
處寄家山畔剩深淺豔痕伴人殘醉 天涯斷腸別淚  
柰疏雨黃昏難獨避料明朝洗盡胭脂只有霞光姝麗  
跨鶴縱迴神仙駕也難遣重開花並蒂文函掩但羅袖  
清寒相倚

摸魚兒

饒秋

念秋來惜離傷別珠簾垂又還捲西風只會吹梧葉那

識芳園零亂晴又晚最怕是重陽風雨年年慣暮雲一  
片空繞遍天涯畫闌冰佇怎放黛痕展 情未倦更上  
層樓望遠嬋娟誰與爲伴供愁惟有東籬菊解得愁深  
愁淺秋不管也不怕玉闌舊路陰晴換千回萬轉要寄  
取相思庭前爲記疏柳倩征雁

臨江仙

莫道春歸愁已絕殘秋別樣難支畫闌凭遍月輕移誰  
將纖影又送極天西 待倩征鴻傳信息斷腸空自冰  
思暗風不動小荷池岸邊衰柳獨舞碧絲絲

度江雲

片帆隨碧水遠山惻惻萬里起嵐煙好風頻斷送弱柳



春花是處總堪憐江楓何事也禁他恁樣翩翩空斷腸  
斜陽隱隱無數客歸船年年天涯羈旅試問飄零卻  
何人曾慣憔悴損吳宮眉翠月自清圓也知不是春光  
裏賸東籬殘菊爭妍遙天碧傳來雁信誰邊

連理枝

望梅

不惜東風去不惜金盤露只惜殘紅年年慣是與零無  
主縱常儀最解說多情也難畱豔譜隱隱斜陽暮猶  
被蛾眉如試問江梅纔含香蕊倩誰調護怕元微無處  
畫朱旛又禁風禁雨

菩薩蠻

哭輓先師惲潔士

西風日夜摧殘葉瀟瀟和雨階前滴那得不潸然抱經

將十年 瓊樓今異昔何處容高潔無語憶春暉白雲  
天際飛

綺羅香

萬葉凋零清池積就一片幽憂誰省尙記春歸替盡落  
紅愁病又只被雪壓霜欺似殘葩粉消香燼甚年年玉  
露金風慣入芳菲斷腸徑 芸窗誰傳錦字便倩賓鴻  
寄遠難尋前景翠閣重樓爭裏舊時蟬鬢縱忘卻客裏  
流光柰敲簾雨疏風勁爲何人滴遍芭蕉淚隨殘漏永

雨中花

冬至後二日見月寄澗如柔吉二女史

小院深沈畱鶴影聽殘漏畫樓人靜梅蕊橫窗雁聲迴  
浦記取年時景 試問新來誰對詠料白燕差池難並



玉闕高寒淒涼情味夢喚梨雲醒

虞美人 題秋江罷釣圖

江湖夜夜驚人寐山色催人起危磯鎖不住江流何況  
纖纖風裏一絲柔 人間容易珊瑚老且向蓬萊島綠  
簑青箬白沙鷗都把閑情付與十分秋

甘草子

疏雨亂灑梅枝越樣添眉顰是處最消魂更有消魂處  
簾幕輕寒煙籠樹柰此際春猶無主日白虞淵宵自  
午過月明三五

齊天樂

一番花信東風裏恩恩落梅多少日暖煙輕池清水皺

海月初生林杪西窗夜悄怪竟日飛英尚縈懷抱野寺  
鐘聲暗催前夢過瓊島 天涯誰念倦旅料嬋娟萬里  
堪共吟嘯鏡裏溶雲簾前點雪幾度闌干低繞鶯聲弄  
巧甚絮絮深情向人頻道總惜春歸奈春歸自好

過秦樓 柳

社燕初歸嫩黃才吐卻早占春一半闌干獨凭裏裏柔  
絲最是共人腸斷何事晝長夢回輕染纖蛾便成悽惋  
怕秋來萬里飄零無主馬蹄聲遠 曾說與芍藥開前  
青梅熟外種種綠絲紅倦絲風院落漏雨黃昏一葉蕉  
痕長捲多少幽情付伊剛耐春寒又疑春怨向清池影  
裏閑逗疏星幾點



浣溪沙

風暖賈洲二月天  
客懷何處不淒然  
片帆春水度芳年  
莫問天涯惆悵事  
落花殘月在尊前  
一行新柳自含煙

落花

春光豔冶靄暖風輕  
早清明時節萋萋芳草料  
此際綠遍尋春雙屐落  
梅無數儘付與笛聲  
嗚咽裏畫簾萬縷垂  
楊只賦天涯離別  
斷腸忍問流光柰  
香滿池塘春水冰  
碧燕喚蝶舞似伴我  
共領綺窗淒切  
曲闌望久想到處  
都無人說但試取  
短夢清宵穩耐幾  
番風月

滿庭芳

甲午三月十九日  
夫子手書至述客中  
近狀兼問園中花  
不繫念殊深奉讀之下

淒淒終日賦此記之

徑綠苔滋牆陰樹密小園尙剩餘寒人雷甚處竟日攔  
凭闌誰道江南夢好清宵永新月彎環消冰處癡雲難  
卷絲漏又珊瑚天涯悲倦旅愁隨夏起不共夏殘剩  
落花千片清淚相看縱自登高極目應不似曩日煙鬢  
章臺路垂鞭倦也應趁好春還

虞美人

愁多不識愁來路  
鎮日空冰佇簾前  
雙燕報春殘  
羅袖寒輕還去倚闌干  
花枝不記東風怨  
新綠生庭院  
箇人幽下暗魂驚  
除問嬋娟何處得分明

長亭怨慢



莫吹盡枝頭花片試剩殘紅待儂歸見蝶舞蜂喧燕嘯  
鶯啞倍零亂問春不語空拍得闌干遍碧樹縱多情也  
只記春深春淺 翠鈿漫雲鬢半鞦桺絮亂飛空院芳  
華易歇莫便把繡簾輕捲便灑出萬點湘斑總難把舊  
痕都展怪昨夜姮娥偏照年時人面

摸魚兒

夫子人客袁浦賦此寄之

對閑庭翠深春老紗窗輕報寒暖天涯總有多情月怎  
照箇儂幽怨雲一片又耐聽瀟瀟細雨傳更箭畫羅團  
扇且漫撲流螢休尋舞蝶只恐晚晴變 消冰處誰把  
珠簾半捲愁痕惟許蕉見東風不解春無主猶向碧荷  
零亂人自遠寫尺素遙遙那倩南來雁銀河隔岸問萬

里姮娥可曾留影照徹寸腸斷

霜葉飛

并序

幼失怙恃依于徐氏徐母鍾愛十有六載未嘗  
暫離于歸後尙得同居道光八年將隨 夫子  
返春水園母悲不成語良久泣曰吾年老矣兒  
去恐難再見又曰兒去能安樂我心亦慰訓語  
臻至心痛拜受一載之中音書不絕至十年正  
月忽聞仙逝嗚呼疾不能親侍湯藥亡不能撫  
棺一慟撫我育我將欲何爲忽焉五稔素秋欲  
盡觸目傷心爲詞以記

斷紅衰綠迷遙望沈沈千里煙霧一番秋送幾番愁忍



向霜天訴縱化作楚鴉飛去迢迢不是天涯路料宿草  
萋萋封不斷當時望眼白雲深處漫倚淺碧闌干迴  
廊繞遍斷腸空自冰佇月痕初上畫簾旌慣促斜陽暮  
筭只剩垂楊幾縷臨池猶惹風姨如便待得春風轉野  
徑棠梨柰他煙雨

摸魚兒

七夕憶小池白荷

漸西風送秋來也天涯離思如許銀塘獨立無人賞脈  
脈此情誰訴回首處正月暗樓陰愁下窺魚鷺仙橋已  
度筭天上人間都將清淚并入冷香句湘雲遠無限  
明珠翠羽遙遙那見歸路冰魂月魄黃昏後定記小窗  
調護秋且住莫便把仙衣輕碎書中蠹凌波緩步待一

棹歸來盈盈水際相對話離緒

齊天樂

海棠剛綻秋初遍芳園漸疏庭柳露重池塢蟬鳴葉鏤  
又釀淒涼時候層樓人瘦甚竟日西風暗盈襟袖已是  
銷魂更堪微雨弄晴晝湘簾一桁細捲念愁荷萬柄  
空自低首寂寞天涯蕭條身世碧宇高寒依舊佳人知  
否盼隔岸銀河祇餘星斗漫訴離思夜函支永漏

疏影

閑庭翠暖怪梧葉無情先送幽怨敲響空階不管愁人  
臨風剛賦秋扇西風最惜分離苦便竟日蕭蕭深院自  
那時感損雙蛾怎向這回重展休問年來憔悴綠肉



春去後吟事都嬾弄影銀蟾輕蕩湘波偏照天涯人面  
芭蕉葉葉籬邊碎又忍捲珠簾重看便喚取玉宇春回  
別是一番鶯燕  
大醕 秋柳  
對短檠昏秋光淡底事淒涼重省小樓春去矣念生來  
弱骨怎堪愁病漫賦梨雲休悲絮雨清淚那能消盡嬾  
娟憑高也更分明付與秦臺裝鏡便宜是飄零春風和  
露已曾身領 桂香來深徑柰此際鷗鷺眠難醒十二  
曲闌干繞遍空自冰眸把舊詞忍與重詠不識天涯遠  
但隔岸都成幽境又禁得絲更警回首池畔尙剩殘荷  
幾柄蕭條夜寒風勁

卜筮子慢

雪意

朔風乍起煙樹半凋寂寞碧霄高迴觸目傷懷那是去  
年愁病一聲聲怎識飛鴻信漫損卻青山遠綠伴取瓊  
臺裝鏡 夢斷殘更警料萬里同雲倍增淒冷在苒流  
光悞了素蛾纖影更天涯歸計渾難定但點綴窗前綠  
萼任幽人閑領

瑤華

春雨

留寒禁暖暗把春痕蹙芳園眉臉繡簾高捲臨碧沼但  
曳垂楊千縷篆煙琴韻儘畫閣低迴無語記去年滿樹  
幽香不似者番淒楚 池差雙燕還來看涎尾紅襟都  
帶離緒萋萋芳草料遍滿昔日王孫行處香泥易斲莫



更啄汀洲蘅杜消幾許庭院黃昏且下重簾歸去

虞美人

燕營巢

畫簾捲處春雲重雙翦輕拋送杏梁猶記去年痕肯向  
笙歌隊裏覓朱門夜來應濕池差羽還又穿花去紫  
騮陌上會相逢勸整歸鞭莫待綠陰濃

一枝春

淺碧闌干拂垂楊幾點朝來疏雨春痕乍染不是向時  
深處籠煙低裏倩誰替個儂淒楚有畫閣雙燕呢喃似  
訴隔年離緒樓頭慢垂簾幕怕嬋娟靜夜歸來無主  
瓊臺試暖鏡裏待添眉顰天涯恁遠空回首斷霞千縷  
人瘦也休報春歸預愁春去



